



TOSHKENT DAVLAT YURIDIK UNIVERSITETI REKTORINING B U Y R U G ' I

2020-yil «6» noyabr

08-215-son

Ёнғин хавфсизлиги қоидалари ижросини таъминлаш ҳақида

Ўзбекистон Республикаси Вазирлар Маҳкамасининг 2020 йил 20 октябрдаги “Ёнғин хавфсизлиги қоидаларини тасдиқлаш тўғрисида”ғи 649-сонли қарори ҳамда Ўзбекистон Республикаси адлия вазирининг 2020 йил 28 октябрдаги 205-ум-сон буйруғи ижросини таъминлаш мақсадида

БУЮРАМАН:

1. Ўзбекистон Республикаси Вазирлар Маҳкамасининг 2020 йил 20 октябрдаги “Ёнғин хавфсизлиги қоидаларини тасдиқлаш тўғрисида”ғи 649-сонли қарори ва Ўзбекистон Республикаси адлия вазирининг 2020 йил 28 октябрдаги “Ёнғин хавфсизлиги қоидаларини тасдиқлаш тўғрисида”ғи 205-ум-сон буйруғи раҳбарлик ва ижро учун қабул қилинсин.

2. Ўқув биноларидаги хона ва аудиторияларда ҳамда талабалар турар жойларида ёнғин ва техника хавфсизлиги бўйича меъёрий қоидаларга қатъий риоя этилишини таъминлаш кафедра мудирлари, факультет деканлари ва бошқа таркибий бўлинма раҳбарлари, ўқув биноларининг комендантлари, бош энергетик ҳамда талабалар турар жойлари мудирлари зиммасига юклатилсин.

3. Фуқаро ва меҳнат муҳофазаси бўлими (М.Давакеев), Эксплуатация ва таъмирлаш бошқармаси (И.Бозаров) ҳамда Маънавият ва маърифат маркази (Ш.Пўлотов) билан биргаликда:

ҳар ярим йилликда ёнғин хавфсизлигини таъминлаш масалалари бўйича йиғилишлар ўтказиш, улар доирасида ўзига қарашли ўқув ва талабалар турар жойи биноларининг ёнғинга қарши ҳолатини танқидий таҳлил қилиб бориш шартлиги белгилаб қўйилсин;

газ, энергетика ва сув хўжалиги, иситиш мосламаларнинг ҳолати ва яроқлигига алоҳида эътибор қаратсин;

ёнғин хавфсизлиги нормалари бузилишининг ҳар бир ҳолати юзасидан батафсил текшириш ўтказсин ҳамда ёнғин келиб чиқишига йўл қўйган мансабдор шахсларни қонун ҳужжатларига мувофиқ жавобгарликка тортиш бўйича таклиф киритсин;

ёнғин хавфсизлиги чораларини қўллаш бўйича тарғибот ишлари кучайтирилсин;

ўқув ва талабалар турар жойи биноларини ёнғиндан ҳимоя қилиш тизимлари ва воситалари, ёнғинга қарши сув таъминоти манбаларини (гидрантлар, резервуалар, ҳовузлар, ички ўт учириш ёнғин жумраклари) яроқли ҳолатга келтириш чораларини кўрсинлар.

4. Молия-иқтисод бўлими (А.Рахимов) ўқув ҳамда талабалар турар жойи биноларидаги ёнғинга қарши ҳолатини мослаштириш билан боғлиқ харажатларни ўрнатилган тартибда харажатлар сметасига киритиб борсин.

5. Бош бухгалтер в.б. (М.Парпиев) харажатлар сметасида кўзда тутилган маблағларни мақсадли сарфланишини таъминлансин.

6. Мазкур буйруқ ижросини назорат қилиш молия-иқтисод ишлари бўйича проректори в.б. А.Иминов зиммасига юклансин.

Ректор



Р.Хакимов

Лойиҳа киритилди:

Фуқаро ва меҳнат муҳофазаси
бўлими бошлиғи

М.Давакеев

Келишилди:

Молия-иқтисод ишлари
бўйича проректор в.б.

А.Иминов

Эксплуатация ва таъмирлаш
бошқармаси бошлиғи

И.Бозаров

Катта юрисконсульт

Э.Хосилов